



Na osnovu člana 87. Pravilnika o organizaciji škole u prirodi, izleta, studijskih posjeta, ekskurzija, kampovanja/logorovanja, društveno-korisnog učenja, i drugih oblika odgojno-obrazovnog rada u osnovnoj školi i srednjoj školi („Službene novine Kantona Sarajevo“, br. 34/24, 10/25 i 45/25), JU „Sedma osnovna škola“ Ilidža, na sjednici Nastavničkog vijeća održanoj dana 8.5.2026. godine, d o n o s i:

## **ETIČKI KODEKS ŠKOLE PLIVANJA**

### Član 1.

U toku realizacije Škole plivanja učenici i zaposlenici su dužni svojim ponašanjem uvati svoj ugled, ugled svoje porodice i škole.

### Član 2.

Svi učesnici koji učestvuju u realizaciji Škole plivanja dužni su se strogo pridržavati Etičkog kodeksa ponašanja.

### Član 3.

Svi učesnici koji učestvuju u realizaciji Škole plivanja dužni su se okupiti na mjestu polaska najmanje 30 minuta prije dogovorenog polaska.

### Član 4.

U sredstvima prevoza (autobus) učesnici su dužni ponašati se u skladu sa pravilima lijepog ponašanja, održavati red i higijenu i povinovati se uputama vodstva puta.

### Član 5.

U toku realizacije Škole plivanja strogo je zabranjeno nošenje opasnih predmeta (noževa, eksplozivnih materijala, petardi, boksera i ostalih predmeta koji mogu izazvati povrede).

### Član 6.

Ukoliko se u toku izvođenja Škole plivanja kod nekog učesnika utvrdi posjedovanje ili upotreba nedozvoljenih sredstava, voditelj puta će odmah obavijestiti školu i roditelje koji su dužni o svom trošku doći po dijete i vratiti ga kući.

### Član 7.

Ne preporučuje se nošenje skupocjenog nakita, mobitela, ostalih vrijednih predmeta, veće količine novca, a ukoliko dođe do gubljenja ili otuđivanja istih, vodstvo puta neće snositi odgovorost.

### Član 8.

U toku realizacije Škole plivanja svi učesnici su dužni ponašati se kulturno uz maksimalnu toleranciju i uvažavanje po pravilima međusobne komunikacije (učenika, zaposlenika,



osoblja bazena, instruktora plivanja i drugih lica sa kojima učesnici stupaju u komunikaciju).

Član 9.

Tokom izvođenja Škole plivanja strogo je zabranjen svaki vid socijalno-neprihvatljivog ponašanja, diskriminacije i svih oblika nasilja.

Član 10.

Svaki učesnik u toku realizacije Škole plivanja treba postovati privatnost i imovinu drugih lica. Neprihvatljivo je preturati po tuđim stvarima, a krajnje nemoralno i kažnjivo otuđiti tuđu stvar.

Član 11.

Voditelji učenika-razrednici su dužni upoznati učesnike sa odredbama Kućnog reda bazena u kojem se realizuje Škola plivanja. Svaki učesnik je dužan u potpunosti poštovati kućni red i pravila ponašanja na bazenu.

Član 12.

Po napuštanju objekta-bazena izvršiti uvid u prostorijama u kojim su boravili učenici te u slučaju štete učenici će izvršiti novčanu nadoknadu za počinjenu štetu.

Član 13.

Prilikom korištenju sanitarija (umivaonik, tuš i sl.) potrebno je iste ostaviti uredne i čiste.

Član 14.

Svi učesnici su dužni obavezno sudjelovati u svim planiranim aktivnostima, poštovati raspored programa, sugestije i naredbe realizatora Škole plivanja. Strogo je zabranjeno odvajanje od grupe (odlazak u wc i sl.), a da se prethodno ne javi voditeljima Škole plivanja.

Član 15.

Zabranjeno je osamljivanje bilo kojeg učesnika u toku realizacije Škole plivanja sa manje od tri učenika.

Član 16.

Učesnici u realizaciji Škole plivanja su obavezni upoznati voditelja-razrednika sa specifičnostima svog zdravstvenog stanja kako bi se na vrijeme izvršile pripreme (lijekovi, alergija, terapije) i moglo adekvatno postupiti u cilju zaštite zdravlja učesnika.

Broj: 952/26

Datum: 08.05.2026. godine

Direktorica škole  
  
/mr. sci. Granov Kanita/